

A.S.O.M.A. TA INFORMA

A.S.O.M.A. A MANDA CARTA PA GOBIERNO !

**** Na** prome lugar nos kier a gradici tur e personanan y musiconan cu a yama dunando nan bon comentario y apoyo na nos prome articulo cu a sali den e columna aki, A.S.O.M.A. TA INFORMA.

Palabranan di felicitacion ta bay na Carlos Bislip and Friends pa nan tremendo presentacion ultimo den Cas di Cultura. Tambe palabranan di felicitacion y bon trabao haci ta bay pa Claudius y su grupo O.R.E.O. y ECLIPSE pa nan fantastico presentacion durante e concierto di KASSAV.

Mas cu claro tambe un PABIEN grandi pa e tremendo organisacion di SOLID PROMOTIONS, y tambe un gradicimiento na e pareha musico INKY y SHURBY, cu a sa di duna reconocimiento na dos agrupacion musical local pa presenta hunto cu un agrupacion di taya manera KASSAV.

Tambe un caluroso PABIEN na PLACENTERO RITMO y CUERDE cu nan tremendo C.D. lansa riba mercado. A.S.O.M.A. ta desea nan tur clase di exito y alaves ta pidi e pueblo Arubano pa respalda e agrupacion aki cumprando nan C.D.

A.S.O.M.A. ya a manda carta pa Gobierno solicitando pa un reunion cu e Ministro di Cultura y Ministro di Justicia. Tambe cartanan lo sali pa presidente di Parlamento y lider di fraccion di Parlamento solicitando reunionan cu nan tambe.

Algo cu A.S.O.M.A. tambe kier a pone na conocimiento na tur e miembronan, cu si nan tin cualkier informacionan, por tuma contacto cu e presidente of cualkier miembro di directiva.

Na final A.S.O.M.A. ta desea tur musiconan y henter pueblo di Aruba, un felis fin di siman cu hopi ambiente y alegria.